



Headline	KYS fokus terhadap pendidikan teknikal		
MediaTitle	New Sabah Times Bahasa (KK)		
Date	08 Jul 2013	Color	Black/white
Section	Semasa	Circulation	23,655
Page No	4	Readership	
Language	Malay	ArticleSize	115 cm ²
Journalist	N/A	AdValue	RM 230
Frequency	Daily	PR Value	RM 690



KYS fokus terhadap pendidikan teknikal

KOTA KINABALU: Pada 1988, Kolej Yayasan Sabah (KYS) memulakan operasinya sebagai sebuah institut yang hanya mempunyai 60 pelajar.

Bagaimanapun, kini, ia mempunyai lebih 3,000 pelajar yang mengikuti pengajian di empat kampusnya di Kota Kinabalu.

Dalam taklimat kepada pengarah baharu Sabah Datuk Sapawi Ahmad di Wisma Innoprise di Likas dekat sini baru-baru ini, ketua pegawai eksekutif KYS Dr Dayang Aminah Ali memberi penjelasan tentang perkembangan terkini dan rancangan masa depan kolej itu.

Ini termasuk rancangan transformasi KYS untuk menjadikannya sebuah pusat latihan kemahiran bersepadu dalam bidang teknikal dan latihan vokasional.

Beliau juga menyentuh tentang program untuk mempromosikan kesenian dan kraf, hospitaliti dan pelancongan, penubuhan Pusat Pengajian Islam dan pembangunan kandungan kreatif, di samping meningkatkan jaminan makanan dan pembangunan latihan berkaitan pematuhan syarat halal di Sabah.

KYS juga menjalin hubungan dan kerjasama rapat dengan institusi pengajian tinggi tempatan, kementerian serta jabatan dan agensi kerajaan, katanya.

Ini termasuk Unit Perancang Ekonomi, Universiti Teknologi Malaysia, Universiti Kuala Lumpur, Majlis Bandaraya Kota Kinabalu, Kementerian Sains, Teknologi dan Inovasi, Universiti Malaysia Sabah, Mara, Yayasan Sime Darby dan Petronas.